

Коми Республикаса том войтырлөн газет



МОЛОДА

2014
төв шөр
24-өд
лун

3 №
(1128)



Оли-вылис лыл миф...

12 л.б.

Тайо НОМЕРЫН

Кольом вежонö Кулөмдiнын чукөртчылысны районын да республикаын бура төдса том журналистгъяс. Медшөр могыс вöлi тайо аддзыслöмыслөн - отсавны томуровлы босытчыны журналистлөн уджö, гөгрвоны гижанноглысь сюрöссö, велöдчыны юөртны выльторгъяс да уна мукöдтор, кодөн юкисны накöд верстыöджык журналист-ёртгъясыс.

4.5
л.б.

Инта районьсь Петрунь сикт озыр енбия ныв-зонмөн. Унаөн ассыныс сямсö содгисны-сöвмөдiсны и том гижысьяслөн Гожся университетгын. Тайо Наташа Хозяинова, Надя Попова, Лида Хатанзейская, Вика Терентьева, Кристина Проворная.

8.9
л.б.

Комиын төлыд важөн нин ыджыдалö, а мян «Төвся мойдын» рубрикаö ни öти снимок на эз во тiянсянь, дона лыддысьсысьяс. Төвся вөр-ваыд öд торийөн нин мича! Эн дышöдчöй да аскöдныд новлöдлöй фотоаппаратнытö - кымын серпас верманныд дасытны! Сiдзкö, виччысям тiянсянь мича снимокгъяс на на дорö ичöтик гижöдторгъяс.

13
л.б.

«Птичье молоко» чöсмасынтор төдса быдөнлы ичөтсянь - кыв вылад öдий и сылö. Позьö сийöс вöчны гортад, гашкö, чöскыдджык на армас лавкасаысь.

15
л.б.

Олимпиадаыд танi нин!



Эжваса художествоа школаысь велöдысь Анна Красман дасытысьö Сочиса Олимпиада кeжлö. Районса культура юкөннысь Светлана Притчина серти, Олимпиада вылö ветлыны позянлун Анна Красман шедöдiс бур уджысь.

- Анна вермыiс йöзкостса да декоративно-прикладнöй искусствоса «Мастер года» республикаса выставкаын. Сийö водзö нуöдö Михаил Кочевльсь, сьюмыгöсь вöчсян мастерлысь, традицияс, - висьталö Светлана Притчина. - Пырöдчö республикаса выставкаысö, велöдö челягöс кипод уджö художествоа школаын.

Сочиса Олимпиада дырйи Анна Красман петкөдлас коми йöзкостса кыйсьöм-вöралöм да нöшта нуöдас мастер-класс.

Ставөн лыжи вылö!

Февраль 2 лунö Сыктывкарын лöб быдвося «Лыжня России» спорт гаж. Сийö ёна нималö став Россия пасыта. Физической культура да спорт юркаса управлениеысь веськөдлысь Михаил Дудников серти, таво Коми Республикаö воис 4 сюрс шапка-номера комплект, көнi пасйöма гажыслысь символикасö.

Юркарын став окотитысьыс вермас котöртны нельялын: Эжваын, юркарын, а сiдзжö Максаковкаын да Гөрд Затоньын.

Медшөр спортивной котöртöм лöб Раиса Сметанина нима стадионьын. Гаж нуöданiнын позяс чöсмасыны пöжасөн да пöсь тшайөн, а сiдзжö ньöбны колана эмбур, сувенир да мукöдтор.

«Коминформ» серти



Кар шöрын - ош

Республикаса юркарын олысьяс пырöдчöны «Городские легенды» проектö. Тöлысьөн найö вöзйисны 100 сайö мөвп «Йополис» порталын, көнi и виччысьöны насынь вöзйöмгъяссö.

Вöзйöмгъяс лыдын - Мичурин нима паркын сiдз шусяна «колесо обозрения» вöчöм, Гөрд Затоньын речниклы памятник, кар шöрын ошлысь скульптура, кодi уськөдчö йöра вылö, тшаклы памятник сувтöдöм.

Шыöдчöмгъяс позьö ыстыны февраль помöдз. Мартын лöб кар мичмөдан медбур проект вöсна гөлöс сетöм.

«Городские легенды» отсөгөн Сыктывкарын лöб дас öти виль арт-вöчöмтор. Найöс вöзгъясны асьныс олысьяс. 2014 вося майсянь сентябрöдз проектгъяссö збыльмөдасны олөмö.

«КомиОнлайн» серти



ВЫСТАВКА Сыктывкарса коми культура шöринь январь 14-өд лунсянь февраль 4 лунöдз поэса аддзöдлыны «Во сне и наяву» выставка.

Вöтын либö вемöсын

Сылön автор - Елена Казакова, серпасасьöм да черчение велöдысь. Енби морт 2007 восянь уджалö велöдысьöн юркарса 21 номера школаын, нöшта сетö тöдöмлун сиктса енбиа челядьлы республикаса лицей-интернатын, «Вдохновение» челядьлы содтöд тöдöмлунгяс сетан шöринь, Сыктывкар университетбердса художествоа школаын, а 2011 восянь велöдö юркарса искусствояс школаын. Помавлöма И.А.Куратов нима педколледжысь изобразительное искусство специальносът да Сыктывкарса канму университет. Ачыс олö Корткерöсын.


Сылön чукöрмöма зэв уна диплом конкурс-выставкаö пырöдчöмысь, уна сикас уджысь.

- «Во сне и наяву» выставка артмис менам семья отсöгөн. Верöсöй некымынысь вöтасьлис, кызди кыйö чери сöстөм ваа юын, и мян регыд чужу пи. Творчестволөн кыпалöм дырйи да кага чужöм бöрын менам артмисны öти бöрся мöд серпасяс. Мөвп-темасö босьти казтылёмгьясысь, көни вöлим аслам верöскöд да пикöд, - висьталö Елена.

Медшöрыс сылön творчествоын сідз шусяна экспрессия - серпасгьясын рөмгяслөн öта-мöдлы лöслöм да мичлун. Елена серпасалö оз сöмын збыльвывсасö, но и абстракция. Сылы кажитчö, кор серпас вылö дыр видзöдан, а сэсся тэнад чужöны мөвпгьяс.

Миян корр.

Снимокгьясыс коми культура шöринлөн.



ЕНБИ Тöвсая каникул дырйи Улыс Новгородын мунöма став Россияса «Звонкие нотки-2014» челядьлөн конкурс. Сэтчö пырöдчылöмаöсь матö кыксё ныв-зон Россияса каргьясысь, а тшöтш и Сыктывкарысь.

Конкурслөн пасыс - сьылысь жонь

Тайö конкурсö усьöма шуд пырöдчыны юркарса музыкально-хорöвöй школаысь Варвара Леготиналы да Елена Турубановалы асланыс веськöдлысь Ольга Николаевна Синявская юрнуöдöм улын. «Цветик-семицветик» ансамбльö пырысь нывгьяс дуэтöн петкöдчöмысь лöмаöсь Улыс Новгородын медводдза степеня лауреатгьясöн 13-16 арöсаяс тшупöдын. Нöшта торгья нимпасгьясын Варвара Леготина лöма мöд степеня лауреатöн, а Елена Турубанова - медводдза степеня дипломантöн.



Конкурс дасьтысьяс-лысь уджсö донгьялöмаöсь вылыс тшупöдын. Ордйысьöм кындзи ныв-зонлы дасьтылöмаöсь каркузя экскурсия, Ледовöй дворечын конькиён исласьöм, уна гажа рыт да дискотека.

Колö тöдчöдны, мый конкурслөн символөн вöлöма жонь. Вöлөмкö, XIX нэмын Европаын да Россияын тайö лэбачсö велöдлöмаöсь сывны. Тöдса весиг, мый том жонь велавлöма сывны канарейка да жаворонок моз.

Миян корр.



КОЛАНА УДЖ

Кольом вежонё Кулёмдінын чукөртчылісны району да республикаын бура төдса том журналистъяс. Медшөр могыс вөлі тайё аддзысьлөмыслөн - отсавны томуровлы босьтчыны журналистлөн уджө, гөгөрвоны гижанноглысь сюрөссө, велөдчыны юөртны вьльторъяс да уна мукөдтор, кодөн юксисны накөд верстьөджык журналист-өртъясыс.

Республикалөн быд пельөсысь петөны енбиа журналистъясыд. И Кулёмдін район татшөм йөзнад вермас жө ошйысьны. Сэтчөс войтыр кужөмөн востьөны гижөдыслысь сюрөссө, аддзөны да сяммөны гижны радейтчөм, вөрва йылысь, районса олысьяс йылысь. И медым тайё кужөмлуныс пыр водзө сөвмис да томмис - та могысь и котыртчывлөны том журналистъяскөд семинаръяс.

Декабрь төлысьё Коми Республикаса журналистъяслөн котыр аддзысьліс нин Көрткерөс районса гижысь томуровкөд, коді муніс Шойнатыын. А февраль төлысьын татшөмсяма семинарыс котыртчывлас Емдін районуны.

Кулёмдінө журналистъяскөд аддзысьлөм вылө томуров волісны став район пасьталаасы. Нывзон вөліны Нэмдінса, Шөръягса, Донса, Зимстанса, Кебангьельса, Ярашгюса, Помөсдінса, Пожөгса, Озъягса да Кулёмдінса школаясысь. Найө зильөны школаса газетъясын, пресс да творческой шөринъясын, а Кулёмдінө томуров волісны вьль төдөмлунъяс-ла нин.

Журналист да сылөн удж йылысь ныв-зонлы висьталіс Коми Республикаса журналистъяс котырөн да Көрткерөсса «Звезда» газетөн вьськөдлысь Эдуард Пименов. «Школа юнкоров» конкурс йылысь, кытчө позьө пырөдчыны быд том гижысьлы, паськыд-

Тижөй, том войтыр!

джыка висьталіс тайё проектөн вьськөдлысь, а тшөтш и республикаса журналистъяс котырлөн секретарь Валентина Лях. Сійө жө, чайта да, лой семинар дырйи медшөр лекторнас, коді велөдіс челядьөс журналистлөн гусяторъясө: водзвыв бөрийыны тема, төдмавны та йылысь небөг-газетөтуввезйысь кыз позьө унджык юөр да водзвыв дасьтыны колана юалөмъяс. Висьталіс и сы йылысь, кутшөм «деликатнөйөн» колө лоны журналистлы, мый колө сюся видзөдны и висьтасысьлөн, торъя нин олөма морткөд кө сөрнитан, дзоньвидзалун бөрся да мый нималана спортсменлысь озков юасыны, кутшөм спорт сикасө сійө пырөдчө, да уна мукөдтор.

«Парма гор» газетбердса том журналистъяс котырлөн удж йылысь висьталіс нималана гижысь, а тшөтш и районса петаслөн вөвлөм шөр редактор Василий Лодыгин. Помөсдінса том журналистъясөс гижны велөдө Александр Шебырев. Асланыс удж да

овлысь мытшөдъясөн сійө юксис юрсиктса аддзысьлөм дырйи том журналистъяскөд. Уджавны вьльторъяс вылын велөдіс «Йөлөга» газетса том йөзлөн политика юкөнын редактор Надежда Пунегова. Ськөд жө томуров видлісны гижны школаын лоөмтор йылысь неыдждык статья. Газетө колана ногөн снимокъяс пыртөм йылысь төдмөдіс Наталия Долгополова, «Радуга» да «Твоя параллель» петасъяслөн дизайнер. Газетлөн дизайн вылын уджалөм йылысь мастер-класс сетіс Көрткерөс районса «Звездаын» вөрстка вөчысь Евгения Потапова. Интервью да репортаж колана ног гижөмөн юксис Дмитрий Коюшев, «Радуга» газетысь редактор.

Семинарлы кывкөртөдсө вөчис Эдуард Пименов. Сійө жө атгьөліс том гижысьясөс сьөкыд уджө босьтчөмысь да корис и водзө сөвмөдны енбиалунсө. Аддзысьлөм вылө волысьяслы вичмисны сертификатъяс.





Журналистъяс пöвстын вет-
лөдлө аслысыа анекдот, мый
бурдодысьон да космонавтөн быд
морт лоны оз вермы. А вот гиж-
нытö пö сяммас быдөн. Сöмын та
вылө колö ыджыд көсийм, ас вы-
лад тыр-бура уджалом да быд
тема колана ногөн восьтөм. Та
вöсна том журналистъяслы сиа
ыджыд вермөмъяс. И зэв эськө
бур лои, татшом аддзысьлөмыс кө
отсалас Эжва йывса томулов
пöвстысь быдтыны водзö вылө ни-
малана да енбиа журналистъя-
ясөс.

Кристина СЕРГЕЕВА.
Снимокъясыс авторлөн.



Аттö семинар нуөдöмьсь!

Кулөмдін районуыс Немдінса
нив-зон гижөмаөсь асьыныс
мөвпъяссö семинар йылысь.

«Кулөмдін районас челядблы
уси ыджыд шуд ветлыны том
журналистъяслөн семинар вылө.
Немдін сиктысь ми вöлим дас
нөльнөсь. Уджалісны семинар
вылын и миян велөдысьясыным:
Елена Фёдоровна Нестерова да
Маргарита Фридриховна Хайре-
динова». (Татьяна Попова, 8 кл.)

«Миян водзын петкөдчисны
паськыда нималана да пыдди
пуктана журналистъясыс. Ми төд-
малм, мый Эдуард Вячеславович
Пименовлөн рөдвуж пасыс заво-
дитчö буретш миян районсянь.
Нимкодь вöлі сыысь, мый «Йöлө-
га» газетса уджалысь Надежда
Фёдоровна Пунегова - миян сик-
тысь петөм енбиа морт - велөдіс
миянөс гижны газетö статьясыс». (Елена Зайкова, 7 кл., Диана Ти-
мушева, 9 кл.)

«Зонуловлы сьолөм вылас воис

интервью босьтөм йылысь мас-
тер-класс, а нывъяс дыр на ку-
тасны казгытывны «Радуга» газе-
тысь редактор Дмитрий Кою-
шевөс». (Наталья Лодыгина, 7 кл.,
Екатерина Паршукова, 6 кл.)

«Зэв ёна кажитчис газетö фо-
тография меститөм йылысь мас-
тер-класс». (Сергей Веприков, 6
кл., Снежана Булышева, 7 кл.)

«Семинарыс вöлі зэв колана,
өд татшөм аддзысьлөмыс восьтö
уналы олөмас водзö вылө туй». (Александра Паршукова, 9 кл.,
Александра Булышева, 6 кл.)

«Миянлы быдөнлы сеталисны
сертификатъяс, кодыас олөм чөж
кутасны казгытывыны тайö лун
йывсысь». (Пётр Карманов, 7кл.,
Артём Расов, 6кл.)

«Аттö Кулөмдінса том войтыр-
лы бур концерт петкөдлөмьсь!»
(Яна Щепелина, 10кл.)

«Аттö ставныслы, коді пуктіс
пай тайö семинар нуөдөмас». (Яна
Булышева, 10 кл.)



СПОРТ

Сыктывкарса стадионун водзö муно мача хоккейон ворсан карса первенство, кытчö пырöдчöны любительслон командаяс. Налысь ворсöмсö корöны видзöдны шойччан луньясö. Командаяслысь ворсан афиша йöзöдлим кольöм вося 50-öd номерын.

Спорт - тайö дзоньвидзалун

Январь 11 лунö ворсисны «Сыктывкар»-«Водник». Матчыс помасис 6:2 тшöтөн, вермис «Сыктывкар», но победа шедöдны эз вöв кокни.

Гöрд Затон посёлочка «Водникысь» хоккеистыяс тайö сезонын выльмöдисны командасö. Сыктывкарын жö пыр на важ спортсменгыясыс, локтис сöмын Евгений Бабин, кодi кольöм во ворсис «Строитель» хоккейнöй клуб понда.

Ворсöмыс пансис юркарсалон атакасянь, а «Водник» зилис видзны оборона. Мачыс некыдз «эз кöсйи» пырны «Водниклön» воротаö, но медводдза тайм помасьтöдз тшöтыс вöли нин 3:1 - водзö петис «Сыктывкар». Кор «Водник» сюйис медводдза гол, командаса ворсысьяс быгтьö ыззисны, налön вöли уна позянлун воöдчыны соперниклön воротаöдз.

Мöд тайм ёна нинöмön эз торъяв медводдзасысь. «Сыктывкар» вошгис колана здукъяс, а «Водник» зилис венны противниклысь оборона. Торйön нин синмö шыбитчисны «Водникса» куим ворсысь - Олег Федюнев, Сергей Прокудин да Том Чащин. «Сыктывкар» то «кутис» мачсö, то зилис тюрöдны соперниклön воротаö.



«Сыктывкарысь» Юрий Габов шыбитис мачсö поле шöр сайöдз. Сэни сийöс кутис Роман Васильев да нуöдис коланаинöдз, лои «Водник» вратаркöд син на син. Торйön нин колö пасйыны Гöрд Затонса ворсысьяслысь вратарсö. Сийö бура видзис воротасö, коть и налön командаыс ворссис. Матчыс помасис кйön чолöмалöмсянь да öтув фотоөн.

Январь 12 лунö ворсисны «Дилижанс» да «Водник». Поводдяыс эз вöв бур, но та выlö видзöдтöг матчыс вöли зэв интереснöйön. Ворсöм йылысь позьшуны - то öтар командаыс атакуйтис, то мöдарыс. Быдön зилис шыбитны мач соперниклön воротаö. Ворсисны öти мач костön: 1:0, 1:1, 2:1.

Мöд таймын «Дилижансысь» Андрей Еримовлы мойвиис кытшовтны соперник командаыс защитникъясöс, но колана «пас» эз вермы вöчны. Гашкö, и поводдяыс таын мыжа, либö йиыс. Сэсыя нин «Водник» сюйис «Дилижанслön» воротаö - тшöтыс лои 3:2. Та бöрын «Дилижанс» быгтьö лэдзсыис ворсöмысь да ворсис «Водниклы» 7:2 тшöтөн.

Ворсöмыс мунис кышыда, а медшöрыс сийö, мый мача хоккей эм и нималö спортсменгыяс да видзöдысьяс повстын. Атгтьö видзöдысьяслы, кодъяс зэв унаон чукортчылисны стадионö кодзыд поводдя выlö видзöдтöг.

*Миян корр.
Снимокъясыс
«Преспорт11»
сайт вылысь.*



ПРОСПОРТ11



Бур туй!

«Бур туй!» - буретш тадзи вочалісны юркарса 12 номера школа-ысь том инспекторъяс медводдза класса велодчысьясос, кодъяс понда найö тöждысьöны да велодöны колана ног ветлыны туй кузя.

Лöз пилотка, полициялөн фуражка да туйвывса пасъяс - ставыс тайö колö ГИБДД-са том отсасысьяслы. Шапоклякö пасъгасьöм нывка сідзи и кöйиис торкны дзюлокъясöс туйвывса индöдъяс велодгөн, но сюсь детинка окотитіс петны кузь туйö, медым унджык тöдмавны пасъяс йылысь. Отнасон кольöм бöрын Шапокляк гөгөрвоис, мый мортлөн олöмын медшöрыс - олöм, кодöс колö видзны. И нöшта - быдöнлы колö аслыныс видзчысьны. Медбöрын юркарса ГИБДД-ысь инспектор сиис нывзонлы бур туй да видзчысьны улица вылын неминучаысь.

Кутöй тöд вылын туйвывса индöдъяс!

Юркарса ГИБДД-лөн юөр серти.



ЛЫДДЬÖЙ! ЛЫДДЬÖЙ! ЛЫДДЬÖЙ!

Коми кывйысь творческой студия

«ОЗ ТУСЬ»



Дона челядь!

**С.Я. Маршак нима
Коми Республикаса**

**челядьлөн национальной библиотека
корö 2, 3, 4 класса велодчысьясос
коми кывйөн тöдмöдан
«Оз тусь» творческой студияö**

Студияö позьö гижöдчыны
краеведение да коми литература юкöдын.
Аддзысьлыны пондам 2013 вося урасьöм медводдза лунсян
кос му 30-öd лунöдз öтчыд вежоннас.

Библиотекалөн адрес: Сöветскöй улица, 20
Телефон: 44-89-08 (Нестерова Алёна Николаевна)
Электронной адрес: komdet_kray@mail.ru





Инта районысь Петрунь сикт озыр енбиа ныв-зонмөн. Унаён ассыныс сямсö согтисны-сöвмөдिसны и том гижысьяслөн Гоҗся университетын. Тайö Наташа Хозяинова, Надя Попова, Лига Хатанзейская, Вика Терентьева, Кристина Проворная. Кристиналысь чужан сикт йылысь кывбурсö лыддьöны республикаса став школын велöчсыяс, сійöс коми кыв велöдан небöгын йöзöдöма да.

Ныв-зонмös гижны ышöдöны Галина Александровна Семяшкина да Андрей Фёдорович Терентьев, кодi мөдöд во нин велöдö чужан сиктса школаас.

Декабрнас Петруньö волісны Анжелика Елфимова, Елена Козлова, Андрей Попов да Александр Суворов, и вöлі зэв нимкодъ, мый эз сöмын Сыктывкарса поэтъяс лыддьыны ассыныс кывбуръяссö, но и Петруньса ныв-зон. Юркарса гösтьяслы тайö лоис ыджыд козинöн.

Окопатырысь йöзöдам Петруньса велöдчысьяслысь кывбур.

Петруньын...

Йирым төлысь. Усьö лым. Төвся руыс сьөлöмын.
Кöдздöдыштiс. Уна ры. Петрунь джынйыс ывлаын.
Неылын со кылö шы: тургö «Буран» доддьöн.
Чери кыйысь öктö мык - ваись перйö соддзöн.

Ныв да зонка школасянь котöртöны гортас:
Серамсорөн, лым пиас тойлаласны, ёртöй.
Нылыд оз лэптивлы син, кажитчöма зонмыд.
Том мортыдлөн сьөлөм пым, сойыс сöна - топыд.

Видзöд: вöвъяс корсьöны лым увсыс веж турун.
Пöчö гортас пукалö, нистö шоныд вурун.
Труба йывтi зысы ру - ломталöмась пачьяс.
Челядь, дасьтöй кызджык пась, зыръяс, дадь да гачьяс!

Регыд кынталас быд ры. Туйыс карöдз петас.
Воссяс байдыкасян кад (гашкö, Енмыс сетас).
Крукъяс вöдитас мужик, анылы сюрас уджыс.
Ольха керкалысьыд бара купайкасö пуджас.

сынöд тырас силос дукөн - сюрукъяслы козин.
Кымын уна тшак да вотöс - төв мед вуджны позис.
Ошым дорас ловзяс караль, гөрдöдыштас лымйыс.
Лоас яй и лоас ставыс, гожöмнас мый бырліс.

Татшöм мөвпөн лунысь луно петруньсаид олö.
Зонмöй, шуам збыльысь öд, кöдзыдысь ог полöй!
Быттьö öшинь костысь гут, олам гуся думөн:
Кор он виччысь - «тут как тут». Паныдалам нюмөн.



Менам Жалё авко


Көр дорын овло и сідзи, мый уна көр висьмө, доймалө, вошө. Кор важенкаыс вошас, дзюлыкыс висьмас либө доймас, сэки теляыслы мамсө вежө морт. Тайө либө ачыс көр видзысь, либө сылөн гөтыр, либө налөн челядь. Сылы сідз жө, кызд и кагалы, ним сетөны и вөдитчөны дзөля кагакөд моз.

Тавося гожөмнас каралисигөн өти теля коксө чегис. Мый вөчны? Мамыс бөрся ветлыны сийө оз кут вермыны. Ме сийөс босьтө авко вылө. Сийө палкан важенка теля, а дзөля ли абу! Каралсыс вайөдө ме телюксө ки вылам. Сийө пыр жө пырис меным вемам да сьолөмам. Нимтө ме сийөс Жалё. Первой лунгьяссө авкоө менам дурис, нинөм эз сөй да полис зэв ёна, сыр вөсна мый ми өтдортим мам дорсыс. А кодө көсийө мам дорысь мунны?

Медым кокыс бурдас, ми мамөкөд лөсьөдөм коксө, босьтөм гипс, кодө вөли миян лекарство көрөбаным. Көтөдөм гипссө, гартим Жалёлысь коксө. Ме кутө сылысь коксө минут кызы, кытчөдз гипсыс эз косьмы. А кызди сийө менө чужьялис! Ой, ой, ой! Доймө жө ведь коньөрлы. Кык пөв на лөк вөли: кокыс доймө да ещө на мамыс абу дөнас. Но став дой вылө видзөдтөг

авкоыс зэв шань вөли, вежон мысти кутис ме бөрсянь чотитгыр котравны: кытчө ме - сэтчө и сийө. Меным кажитчис, мый гипсыс сылы мешайтө, и лун дас вит мысти кулим гипссө да сы местаө отармөдөрсяньыс пуктим кык полоз да гартим бинтөн. Сідзжө вөчалим сылы укольяс. Вөрзялигөн ме сийөс дадь бокам водтөда коньөрөс, вевття да көртавла, мед эз усь. Но көть кызд ог көртавлы, век вөли сийө аддзө петан туй уськөдчыны дадьсыс. Йөжласяс-нөйтчас да усяс. Отчыд вөрзигөн йөжласис-йөжласис и уськөдчис, быттьөкө нарошнө, зибун гөптө. Мый вөчны? Көрьяс көсийоны мунны, өдва кута ки пөвнам вөжжисө да харейсө, а мөд кинам Жалькоөс став вынсьым бөр кыпөда-кыска даддьө. Кияс няйтось гырдазөдз, муртса синваө оз пет, а

сийө водзсась мекөд. Кыдзкө да мыйкө ме сийөс сэтгысь кыски. И удитө казьявны, мый сийө уськөдчынысө век бөрийө лөк места, зибун либө плавун. Ок и асныра да мудер менам Жалё. Унаысь сийө менө дөзмөдлис, паdmөдлис, чуйдлис. Коркө и вошльвлис. А кымынысь ме котравли - корси авкоөс, но ньөтчыд ме сы вылө эг скөрмыв: ачым өд быдтөм вылө босьтө. Авко пыр котралис доймөм кокнас ме



гөгөр, вотчыны ветлас тшөтш, вала лэччывлас. Отчыд йөрасьөм бөрын пырим мамөкөд сөйны лөсьөдны. Друг пастукьяс горөдисны: «Оксана, авкоыд көр бөрся мунө!» Ме чөпөсии чөмийысь, заводитө котөртны көр бөрся, но найө вөлины нин пөшти километр ылнаынөсь. Ывлаыс зэрө, ставыс ва. Көтөрта росьяс да вутш юрьяс костө. Мый вынсьым горза: «Жалё, лок! На нянь!..» Горзөмсыс гөлөсө вошис, брөд көтаси, а сылы быттьөкө пель дөнас кучкөмаөсь, чөтө-көтөртө көр бөрся, думнас, гашкө, мамсө корсьө. Паныдасис неыджыд ты, көрьяс мунисны бөктыс, а ме көтөрти мөдартыс, медым найөс паныдавы. Со Жалькоөс вөтөдө, сийө здук кежлө сувтыштлис, видзөдлис ме вылө и көтөртис водзө. Тадзи ми и торьялим да өнөдз на эг паныдасьлөй. Аскинас пастук шуис, мый көрсыс авко менам кольччөма. Ме ёна шогси: кызди сийө кутас овны өтнас? Кодө сийөс дорьяс зверьясысь? Вертолөтөн мунтөдз, ме век кутө лача, мый авкоөс аддзывла на. Сьөкыд сьолөмөн и мунө тундрасысь. Декабрь төлысь шөрын мамө звөнитис тундрасынь да висьталис бур юөр, мый Жалё сюрөма көрө, сийө ловья, дзонь-видза, сөмын неуна лябыштө. Ок и долыд бара лоис сьөлөм вылам. Ов, Жалё, ов!

Оксана ЧУПРОВА,
Изьва районса Сизяб шөр школаын
«Волшебное перо» котырө ветлысь, 8 класс.

Палкан - сьода еджыда сера көр.

Важенка - энь көр.

Теля - ичөт көр.

Зибун - васөд, няйт места.

Плавун - рөчөн кө, «трясина».

Лябыштө - неуна чөтө.



Иван БЕЛЫХ

Гортса мельничча

Вежджык миян Ивадор сиктса олысьяс нянь изны волевлісны Яков мельничча, коді сулаліс Осипан яг помын Вакрө шор да Изьва шор отлаасянінын. Сэтчө и кыпөддөмаөсь бокысь воём мастерьяс тайө стрөйбасө ыджыд войнаөдз на. Мельникнас менам челядьдырйи вөлі Данямитьдор сиктсысь китөм Яков, коді өна лөсыяліс миян батькөд. Онөдз помнига, кыдзи сөр арын нин колхозын нянь юклөм бөрын мешөкьяс тыра телегаясө доддьялөм вөвьяс ньөжйөник лэччывлісны Осипан яг пөлөн Яков мельниччалань. Тшөтш и ме батькөд орччөн восьлавлі му бокті лэччысь абу өна кузь туйөд. Ассыныс каднысө виччысигмоз мужичөйяс куригчисны мельничча кильчө содыяс вылын да тэрмасьтөг варовитісны дөвөльпырысь кольөм гождөм йылысь. Сійө вөлі шоньдөн да эз өна зэраөн. Муяс вылын воис бур нянь. Тырмымөн заптөма и көрым. Сідзкө, төлыс лоас пөтөса. А бать пыр жө матыстчывліс китөм Яков дінө да кык мужичөй чигаркаяс өзтөм бөрын сідзжө тэрмасьтөг юкисны асланыс төжд-майшасьөмьясөн. Корсюрө китөм Яков матыстчывліс ыджыд изки дінө, сюся видзөдіс, кыдзи сійө изө. Пыравліс торья жырйө, көні грымакылігсорөн бергаліс ыджыд пу көлеса да быттө кодлыкө норасис аслас олөм вылө. Лоө быдса луньясөн некутшөм коставтөг бергавны да бергөдлыны тшөтш кутшөмкө изкиөс. И луньюгыдсө сійө некор оз аддзыв. А ывла вылын сійө кадас гажа. Тырыс вөла телегаяс да на гөгөр бергалысь йөз. Мельничча прудйын пальскакылоны гырысь сирьяс, кодьяс коркөкөсті удитөмаөсь рөдмыны. Тайө челядьдырся серпасьясыс торйөн нин вөлі йиджтысьөмаөсь менам паметьө.

Но миян сиктса өткымын олысьлөн вөліны и гортса мельничча-изкияс. Татшөм изкияс сулаліс и миян керкалөн посйив пельөсын. Сэні излісны гортса небыджд мутор вылын быдтөм

ид. Ог кут висьтавыны, коді да кор сувтөдліс тайө изкисө. Дерт жө, сійөс важөн нин перйылөмаөсь Печора юбердса Воя гөра вылысь. И со сэксянь кымын нин сулалө изкияс посйив пельөсын да кадысь кадө изө нянь.

Өтнадлы сьөкыд бергөдлыны тайө изкисө да корсюрө мам босьтывліс менө отсөг пыдди. Кыкөн куччысям изки бердас көлалөм кыз беддө, кодөс вылісяньыс крепитөма йирк вылө. И изкияс зэв неокотапырысь, дышника дзуртігмоз заводитө бергавны. Мам китырнас кадысь кадө лөдө изки шөрсө розьө ид тусьяс. И со нин гөгрөс изки уляс дортыс рөмпөштан кодь шыльыд пөвьяс вылө заводитө петны еджыд пызь. Сідзкө, изкияс изө. Мамкөд выныштчөмөн дугдывтөг бергөддам гөгрөс изкисө. Менам весиг ньылөмөй петө. А изки дугдывтөг дзуртө да тэрмасьтөг мыйкө мойдө аслас олөм йылысь. Тыдалө, висьталө меным, абу на өна ыджыд детиналы, мый нинөм тайө свет вылас уджтөгид оз сюр. Дзик быдтор шедөдөм могысь колө выныштчывны-пессыштны, ньылөмтө лэдзны. Со

и сылы лоө кадысь кадө изны асланыс көзьяиньясы нянь, медым найө вермисны чөсмасьны пачын пөжалөм көвдумьясөн.

Эг и төдлы, кыдзи помасис изөмыс. Изки медбөрьясы дзуртыштис мудзөмпырысь да сувтис. Мам чышкис утка бордйөн изөм пызьсө ыджыд пу тасьтө. Сійө сэсся көтас сыысь нянь, кодысь пөжалөм бөрас чөскыдджыкыс нинөм абу. Асывнас керкаыд сідзи и ымралө сөмын на пөжалөм чөскыд нянь көрөн. Кодсюрө сиктса аныяс тайө кадас миянө пыравлігмоз пыр и корлывлісны видлыны идйысь пөжалөм няньсө.

- Настук, вай гөститөдышт көвдумнад.

Мам чегліс нянь торсө да мыччыліс гөстялы.

И мөдыс пөсь няньөн чөсмасигмоз пыр и шульвліс:

- Но и чөскыд жө няньыд артмөма. Сьөлөмөй быдсөн бурмыліс.

А изки бара чөла вугравліс рытөдзыс. Мукөддырйи миянө волевлісны изөдчыны и матысса суседьяс, кодьяс сідзжө көдзлывлісны идсө. И бара изкилөн дзуртөмыс кывліс керка пасьта. Ог куж висьтавыны, кымынысь лои





Ксения КАРМАНОВА

бергөдлөмө тайо изкисо. Кымынысь сийо дзуртигмоз мойдис меным, мамы да мукод изодчысылы аслас кузь олом йылысь нора висьтсо. Сы йылысь, кыдзи став Коми му пасытала чукортчом войтыр асланыс нажотка перйом могысь кералисны Печора юбердса Воя гора вылысь изсо, вочалисны наысь мельнича изкияс, точитчан изьяс. А сэсся нулисны вузавны карьясо да сиктьясо парокодон и волон, машинаон и поездон. А сэксаянь со мыйта нин тайо изкиыслы ковмис изны йозлы няньсо. Но казтыштласны-о корко изкилон съокыд удж йылысь пызан сайын пукалысь няньон чосмасысьяс.

Збылысь од оз сэтшом кокниа артмы чоскыд няньыд. Уна пось лоо кисытны быдонлы. Сылыдын и изкилы.

А изки быттьо тодис, мый абу нин ена кузьсылон нэмыс. Важ керкасө батыным менам дядьяс отсөгон разис. Сы пыдди кыпөдис выльос. Но сэтчө изкиыд эз нин ковмы. Сэк кежлө идтө дугдисны кодзны ас муторьяс вылө. Бокысь вайом няньыд лои тырмымон. А асьсө изкисө, мед эз ковмы шыбитны, суйисны оти керка пельос улө. Тадзи и помасис изкилон изан уджыс. И коді тодас, мый йылысь öнi сийо казтылө керка пельос улын куйлигөн. Гашкө, волонысылон мөвпьясө Печора юбердса Воя гораыс, кодi и чужтис сийос, либө арталө, мыйта нянь ковмис изны аслас кузь нэм чөжон. А, гашкө, аттьбалө керкаса көзьяинос, мый эз бокө шыбитны сийос. Адзисны и изкилы удж - куйлыны керка пельосын да видзны сийос полынтьчөмысь.

Коран кө,
Бордьясөс пысавла,
Кыпөдча енэжас,
Здукон и воа.
Косьян кө,
Оломьысь косявла
Вижөдөм листьяссө,
Сөстөмон лоа.
Тшөктан кө
Судзөдны сийос,
Мый кокньодас сьолөмтө, -
Кывбурөс сета.
Мунан кө,
Жуглан кө оломөс,
Некор нин шоңдыс
Сэсся оз петав.

Колө лоны мортон, а ме - коин,
А ме помся олом вылас скөр.
Көсий мунны веськыда, да вөйи,
Көсий пышйыны, да косі бөр.

Колө лоны ёнон, а ме бөрда,
Кыдзи воө отка гажтөм вой.
Сьолөм кудйө омольлунөс йорта,
Мед оз адзыв некод менсьым дой.

Колө кужны овны. А ме дышми...
Гөгөр - няйт да гудыр, лөж да лөк.
Нэмөвөйся пурт кодь лолөй -
ныжмөм,
Ёсьтө сийос сөмын курыд шог.

Эска, нинөм вылө видзөдтөг -
Ставыс лоө бур!
Сьокыдлуныс муөдз личкывлө,
Петан туй оз сюр.
Овлө, пытшкөстө нин гугөдлан -
Чукөрмылө бус.
Муса мортлы туйсө югдөдан,
Сөмын мед эз кус.
Овны абу кокныд му вылад,
Колө кутны юр.
А ме отырышья шуала:
Ставыс лоө бур!



ЕН ДЗИРД

Көрткерөс районуыс Висер сиктса мөд классын велөдчысы-
яс гижөмаөсь лым чир йылысь дженьыдик мойдъяс.

Оліс-выліс лым чир...



«Оліс-выліс Снежинка-Пушинка. Сійө вөлі зэв мича, еджыг-еджыг. Ворсіс, гажөдчис нывъертъ-ясыскөд. И ёна көсйис веськавны му вылө, көні чельдъ вөчисны лымбаба. И өтчыг лым чир лэбис и уси нывкалөн кепысь вылас. Нывка лолыштис, лым чирйыг и сылі».

Настя МИКУШЕВА

«Менам лым чир чужис көнкө ылын кымөрьяс вылын. Отчыг рытнас күтіс усьны лым и ағззи, кыззи өти лым чир коззув моз югъялөмөн уси миян йөрө. Ме зэв зіля пасътаси, петі да ағззи югыг лым чирөс. Сійө вөлі өтка да быттьө ловъя. Ме кори ассым ёртъясөс, да вөчим лымморт. А югыг лым чирсө пуктім лымморты юр вылас, когі пөртсис сэсса лым-нылө».

Павел ГАБОВ

«Оліс-выліс кымөр. Сылөн вөлі уна лым чир ныв, гашкө, сюрс, а колөкө, и унджык. Олісны-вылісны и лым чирьяс быдмисны. Кымөр-мамлы лои сьөкыг кыскавны найөс. Несйыштис сійө, и лэбзисны лым чирьяс му вылө. Оти лым чир гөграліс төвса енэжті. Некор на сійө эз вөв ташшөм шудаон! Югъяліс да пөртмисис. Лым чирсө позис өткодявны усьыс коззувкөд. Сійөн өг и шуоны, мый, кор лым чир усяс ки вылө, колө мөвпыштны көсйөмтор».

Семён ИГУШЕВ

«Оліс-выліс Снежка нима лым чир. Оліс сійө кымөр вылын. Отчыг көсйис төгмавны, мый эм улын. И лэбзис. А сэккості гетинка ку-таліс лым чирьяс кепысь вылө. И Снежка веськаліс сы горө. «Чолөм», - шуис лым чир. «Ви-гза олан», - вочавигзис гетинка. Найө ёрта-сисны, и лым чир кольччис гетинка ордын тулысөдзис. Оліс морозильникын. А тулыснас сылі да рудн кайис кымөр вылө. Но локтан төвнас көсйысис бөр локны».


Семён МИХАЙЛОВ

«Отчыг төвнас Каролина нима ичөт лым чир петіс гуляйтны аслас керкаысь - кымөр вылысь. Сійө көсйис ағззывны ыджыг карьяс, видзөдлыны ас гөгөр. И со веськаліс Москва мича карө да күтіс гуляйтны уличьяс кузя. Төгмасис мукөд лым чирьяскөд, заводитісны өтув лэбавны. Но мамыс тиөкпіс рыт кеж-лас воөдчыны гортө. Каролинали ковмис кай-ны кымөр вылө. А выль төдсаяслы көсйысис ағззысьлыны на».

Костя ГАБОВ

«Лым чирьяс ставныс абу өткодьөс. Найө сэтшөм унаөсь, сэтшөма кажитчө ку-тавны лим чирьяс кывйөн! А күтшөм ми-чаа пөртмасыөны шонді улын! Кок улын куй-лөны небыг кокныг шебрасөн».

Настя СЕМЕНЕЦ



Комиын төлыд важон нин ыджыдало, а миян «Төвсә мойдын» рубрикао ни өти снимок на эз во тиянсянь, дона лыддысьсысьяс. Төвсә вөр-ваыд өд торйон нин мича! Эн дышөдчөй да аскөдныд новлөдлөй фотоаппаратнытө - кымын серпас верманныд дасьтыны! Сидзкө, виччысям тиянсянь мича снимокьяс да на дорө ичөтик гижөдторьяс.

А восьтас тайө рубрикасө аслас шемөсмөдана мича уджъясон «Чушканзи» журналын зильысь Евгений Козлов. Нимкодьясьөй да шензьөй!



Төвсә мойдын...



ВӨЛӨМКӨ

Студенталан кадьд - медся гажа. Но сылөн эм аслас история, кодос быть колө төдны ныв-зонлы.

Кужоны тай гажодчынытө!

Таттян лун, январь 25 лун, важысянь лыддьоны студентьяслөн гажон. Но войтыркостса студент лун пасйоны и ноябрь 17 лунө. Тайө лун йылысь сёрнитөмаось 1941 воын Лондонын студентьяслөн войтыркостса аддзысьлом дырйи. Мыйла ноябрь 17 лун? Буретш сэки 1939 воын фашистьяс арестуйтөмаось да лыйлөмаось чехияса студентьяслөн союзса лидерьясөс. Уна велөдысьос да студентос бьстөмаось концлагерө.

Онйа кадө миянлы ёнджыка төдса да матыс Таттян лун. Гажыс отувтө и Татьянаслысь нимлун, и Москваыс университетса студентьяслысь гаж. Озыр римлянинлөн Татьяна нылыс гусьон пыртчөма христианствоө. Сийос казнитөмаось 226 воө, кор отдорчөма язычествоысь. Буретш Таттян лунө, 1755 вося январь 25 лунө, Елизавета Петровна императрица граф Шуваловлөн кором серти кырымалөма «Об учреждении Московского университета» тшөктөм. Сийө кадсянь вежа Таттян лыддьысьсө студентьяслөн дорйысь-отсасысьсөн. 19 нэмся мөд джынйө тайө лунсө заводитөмаось пасйыны Украинаын да Россияын. Мирса быд странаын эм студент лун пасьян традиция.

Португалия. Портоын да Коимбрын майын мунө студентьяслөн Кейма гаж. Сийө заводитчө вой шөр кадсянь серенадаяслөн гора сьылөмсянь португалияса корольлөн памятник дорын. Карса паркын петкөдчөны йөктан котырьяс. Гажыслөн шөр юкөныс - студентьяслөн став карті отув мунөм. Быд вузлөн аслас форма. Быдөнлөн киас лентаа бедь. Пос кузя мунө грузөвөй машина. Кузолын пукалоны выпускникьяс, а медводдза курсы велөдчысьяс мунөны машина бөрсяыс пидзос вылас кыссьөмөн. Стадионын нуөдоны вичкоса служба, а сы бөрын сотөны быд вузлысь лентаяссь.

Греция. Студентьяс пасйоны ассыныс гажсө ноябрь 7 лунө. Тайө лунө 1973 воө вөлөма студентьяслөн протест. Официальной индөдьяс серти некодос сэки абу мыждөмаось воча мунөмысь, но збыльвылас уна студентос сэки мыждөмаось арестуйтөмаось.

Финляндия. Вапу студентьяслысь гаж пасйоны май 1 лунө. Сэки лицейса выпускникьяслысь козыналөны верстыө оломө вуджан символ - студенталан фуражка. Традиция серти гажыс пансьө апрель 30 лунө странаса президентлөн чолөмалөмсянь. Хельсинкиын пуктөны Хавис Аманда статуялөн юр вылө фуражка. Статуяыслы дасьтөма 85 сантиметр пасьта юр вылө пасьталантор.

США. Кышда пасйоны тайө гажсө Гарвардса университетын быд февраль. Вөчөны сценавывса петкөдчөм - «Nasty Pudding» - традиционной сөян нимөн. Котыртөны карнавал, костюма парад, кытчө пырөдчөны сөмын мужичөйяс. Найө и нывбаба, и мужичөй роль ворсөны. Обычайыс чужөма сэки на, кор Гарвард вөли сөмын зоньяслөн университетөн.

Бельгия. Бельгияса студентьяс окотапырысь гажөдчөны. Быд сессия оз коль пасйытөг.

Дерт, тайө абу на ставыс студентьяслөн гаж йылысь. Быд странаын найө радейтөны гажөдчыны. Откымынлаын гажыс абу йитчөма торья лункөд. Но студент лун оз коль пасйытөг, сизкө, тайө гажсө пыдди пуктөны.

Таттян лунөн!



«Птичье молоко» чөсмасынтор төдса быдөнлы ичөтсаянь - кыв вылад өдйө и сылө. Позьө сийөс вөчны гортад, гашкө, чөскыдджык на артмас лавкасаысь.

Ас киён чөсмасынтор



Торт вылө колө: 2 пакет желатин (8 граммөн), 1 стөкан йөв, 1 стөкан сахар, 450 г нөк, 450 г көдзөдөм да бура гудралөм йөв выв (сливки), көнтусь вый.

Торт мавтөм (глазурь) вылө колө: 5 ыджыд пань какао порошок, 5 ыджыд пань сахар, 1 пакет желатин (8 г), 1 стөкан көдзыг ва.

И сідз, медводз неыдждыд көс-трулын гудравны 2 пакет желатин да 1 стөкан йөв. Пуктыны шөркодъ би вылө да ёна гудравны. Кор йөлысь кутас кайны рубосытны би вылысь, оз ков пузбөдны. Пуктыны бокө көдзөдны.

Мавтны көнтусь выйөн стеклөа доз, кодлөн ыдждаыс 20х30 сантиметр кымын. Торъя дозйын миксерөн гудравны өти стөкан сахар, нөк да йөв выв, кытчөдз ставыс бура оз өтлаась.


Водзө гудралегөн вочасөн сод-тыны шоныд йөла гудрас.

Дзик пыр кыстны ставсө стеклөа дозйө. Шыльөдны веркөссө, вевттыны да пуктыны холодильникө.

Глазурь вылө неыдждыд дозйын гудравны какао порошок, сахар да желатин. Сэсья кыстны ва да йөв. Пуктыны шөркодъ би вылө да пузбөдны гудралөмөн. Ставыс мед артмас өтгудрас. Көдзөдны час кымын.

Ньөжйөн кыстны шоколада глазурь йөла гудрас вылө. Көдзөдны холодильникын 5 кымын час.

Нянь-сов!



Мыйла шуоны «Птичье молоко»?

Төдса, мый лэбачьяслөн йөв оз овлы, но неважөн туялысьяс мөдтор шуисны. На серти, йөв эм фламинголөн, гулюлөн, уркайлөн да өткымын пингвинлөн. Дерт, абу мөс йөв кодъ, матысджык рысь дорө. Сыён лэбачьяс вердөны пиянсө, йөлыс зэв геждө паныдасьлө.

Важся легенда серти, райын олысь лэбачьяс йөвнас вердлісны пиянсө. Медым мынтөдчыны мустөм зонмысь, нывьяс мөдөдлісны сийөс корсьны йөв. Зоньяс мунлісны өвтөм пустыняө да сэні кувсьылісны ва абутөм понда. Но лыддисны, коді пө видлас йөвсө, некор оз кут висьны и быд-сикас оружие оз дойд.

«Птичье молоко» нимыс гөгөрвоөдө мыйкө аслыспөлөстор, збыльвылас паныдасьтөмтор. Тайө нимөн и шуисны нималана юмовторсө. Кампетсө заводісны лэдзны Польшаын 1936 воын, кольөм нэмся 60 воясө юмовторсө пондісны вөчны СССР-ын.



«Коми йөзөдчан керка»
Коми Республикаса
автономной учреждение.

Веськөдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтөма
2007 вося ноябрь 28 лунө
йөзлы юөр сетөм да
культураса озырлун видзөм
кузя оланпасьяс
збыльмөдөм бөрся
видзөдысь федеральной
службалөн Беломорской
управлениеын.
Регистрируйтан пас:
ПИ №ФС 3-0686.
Социальной төдчанлуна
гижөдьяссь йөзөдөма «Коми
йөзөдчан керка» автономной
учреждениелы печать да юөр
сетан КР-са агентствөон
вичмөдөм съөм вылө.



Редакциялөн адрес:

167982, Сыктывкар,
К.Маркс улица,
229-өд керка,
401-402 кабинетьяс.
Тел. 24-12-22, 24-36-49.
E-mail: Yologa@mail.ru



Редакцияын
уджалысьяс:
том йөзлөн мытшөдьяс
юкөнөн веськөдлысь –
Надежда Пунегова;
письмө юкөнөн
веськөдлысь –
Екатерина Микужева.



Медводдза лист бокас
снимокыс
Иван
Новородскийлөн.



Авторьяслөн мөвпьяс оз
пыр лөсявын редакциялөн
видзөдласкөд.



Тираж – 518.
Гижөдчан индекс – 52099.
«Йолөга» газет петө
1991-өд восянь
вежоннас өтчид, комиөн.



Печатьө кырымалан кад:
график серти – январь
төлысьлөн 22-өд лунө
16 часын; кырымалөма
печатьө 16 часын.
Газет печатайтөма
«Коми республиканской
типография» ООО-ын дась
оригинал-макетьясысь.
167610, Сыктывкар,
В.Савин улица, 81
Заказ №



Мастер-КЛАСС

Тшөкыда овлö сідзи, мый дзoлюкъяс тшөктöны верстьöс серпасавны кутшöмкö пемöсöс. А мöдыс серпасавнытö оз и куж. Мый вöчны? Отсöг вылö воас юркарса 80 номера челядь садйын серпасавны велöдыс Вероника Нестерова. Миян газет пыр сійö окупаырысь юксьö аслас тöдöмлун-кужöмөн. Сылөн эмöсь сідз шусяна авторса методикаяс. Со на пöвстысь öти - серпасавны гын сапöг отсöгөн быдсикас пемöсö.



Гын сапöгысь - быдсикас пемöс

Та вылö колö: кабала да маркер (ручка, карандаш, фломастер).

1. Медводз кабала вылö серпасалам гын сапöг.
2. Сэсся сійöс бергöдам боквыв, мед позис сы вылö серпасавны пель, ки-кок да мукöдтор.
3. Бөръям серпасалысь пемöсöс.
4. Сэсся круг, овал, треугольник да квадрат отсöгөн вöчам ныр, пель, вом, чужöм да ки-кок.
5. Медбöрын ас кöсйöм серти краситам.
6. Татшöм ногөн позяс торъя карточкаяс вылö серпасавны гортса да вöрса пемöсьясöс, жар странааясын олысь пемöсьясöс, лэбачьясöс.

Артмис öд? Вот аддзанныд, кутшöм тi молодеच्या!

